



**Minneapolis Lub Tuam Tsev Hauj Lwm
Ntsig Txog Tub Ceev Xwm
Phau Ntawv Qhia Siv Txoj Cai thiab Txheej
Txheem**

Nab Npawb:
9-100

Xuv Cuaj – Cov Cai Kev Yuam Siv

Cov Kev Ntes Neeg Laus

**9-101.01 Zej Tsoom Cov Ntaub Ntawv Txog Cov Cai Teeb Tseg Ntawm Kev
Tshaj Tawm Kev Ntes Neeg Ua Phem thiab Ua Txhaum Loj – Lub Laj
Thawj Uas Yuav Mus Taus**

05/29/02

(A-B)

Rau cov kev ntes neeg ua phem thiab ua txhaum loj, ua raws li cov lus qhia txuas mus no:

Nyob rau hauv kem Txhab Ntxiv Ntxaiv (0) ntawm lub nab cos kev ntaus nkag ntaub ntawv CAPRS, yuav pom tshwm qhov lus qhia uas tau sau ua ntej uas muaj npe tias "Zej Tsoom Cov Ntaub Ntawv (Public Information)". Kev ua raws li qhov lus qhia no, cov tub ceev xwm yuav muab kev qhia meej tseeb luv - luv txog qhov xwm txheej/kev ntes. Tsis pub sau npe, chaw nyob los sis lwm cov ntaub ntawv uas yuav txheeb xyuas tau tus neeg raug kev ua phem los sis tus neeg ua pov thawj rau hauv kem no ntawm daim ntawv tshaj tawm.

Qhov lus qhia tom ntej yog daim ntawv qhia txog Lus Cog Rau Lub Laj Thawj Uas Yuav Mus Taus Ntawm Kev Txiav Txim. Kev ua raws li qhov lus qhia no, cov tub ceev xwm yuav sau thaj tsam li ib txog ob soj lus uas muab kev qhia piav meej tseeb txog lub laj thawj uas tuaj yeem mus taus rau qhov kev ntes.

Txhab Ntxiv Ib (1) ntawm daim ntawv tshaj tawm CAPRS yuav piav qhia meej txog qhov xwm txheej tag nrho.

Nyob rau cov xwm txheej uas qhov kev ntes saib raws li qhov xov xwm kev ntes PC (PC Daim Ntawv Thov Kom Txhom), cov tub ceev xwm yuav muab PC Daim Ntawv Thov Kom Txhom rhais nrog rau daim ntawv tshaj tawm CAPRS. Cov theej tawm ntawm PC Daim Ntawv Thov Kom Txhom tej zaum yuav tau txais los ntawm Lub Chaw Hauj Lwm Kev Hloov Suab Lus Mus Ua Ntawv cov ntaub ntawv los sis MPD Net.

Tom qab kev muab qhov lus cog uas sau ua ntaub ua ntawv los sis hais ntawm ncauj, cov tub ceev xwm saib xyuas kev thaj yeeb tuaj yeem kos npe tau rau hauv daim ntawv tshaj tawm uas tau sau ua ntaub ua ntawv ntawm lwm tus tub ceev xwm rau lub hom phiaj kev muab lub laj thawj uas yuav mus taus rau qhov kev ntes.

Cov tub ceev xwm yuav cog lus thiab kos npe rau hauv lawv daim ntawv qhia Lub Laj Thawj Uas Yuav Mus Taus Ntawm Kev Txiav Txim nyob rau ntawm hauv ntej ntawm MPD tus neeg lis ntaub ntawv. Cov tub ceev xwm saib xyuas kev thaj yeeb tuaj yeem kos npe tau rau hauv daim ntawv qhia Lub Laj Thawj Uas Yuav Mus Taus uas tau sau ua ntaub ua ntawv los ntawm

lwm tus tub ceev xwm rau lub hom phiaj kev muab lub laj thawj uas yuav mus taus rau qhov kev ntes.

MPD cov neeg lis ntaub ntawv yuav ua pov thawj rau qhov kev cog lus thiab kev kos npe, thiab tom qab ntawd, yuav kos npe rau hauv daim ntawv qhia uas muaj lawv li kev kos npe, tus nab npawb daim ntawv tso cai, thiab hnuv tim lawv daim ntawv tso cai tag sij hawm.

Tus tub ceev xwm qib siab uas ua qhov kev ntes muaj lub luag hauj lwm rau kev ua kom ntseeg siab tias txhua cov ntawv qhia ntawm Lub Laj Thawj Uas Yuav Mus Taus muaj kev lees txais lawm.

Lub Chaw Hauj Lwm Kev Hloov Suab Lus Mus Ua Ntawv tus neeg ua hauj lwm yuav muab cov ntawv qhia uas tau koj npe thiab tau cog lus mus rau Lub Chaw Hauj Lwm Saib Xyuas Keeb Kwm Kev Ua Phem ncuu sij hawm cov teev sij hawm hnuv so ntawm lub vij thiab hnuv so thiab rau cov chaw hauj lwm saib xyuas kev kav tswj ncuu sij hawm cov teev sij hawm ua hauj lwm raws li ib txwm.

Lub Chaw Hauj Lwm Saib Xyuas Keeb Kwm Kev Ua Phem tus neeg ua hauj lwm yuav sau daim foos ntawm tsev hais plaub thiab muab nws rhais nrog rau daim ntawv tshaj tawm kev ntes.

Txoj cai no kuj siv tau rau cov kev ntes cov tub ntxhais hluas uas ua phem thiab rau cov kev ntes kev ua txhaum loj.